

22 Mei 2013

Jaargang 6 – Uitgawe 15

## In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Kommentaar
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan [karen@nhk.co.za](mailto:karen@nhk.co.za)

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)



## VOORBLAD

### Storms is goed ook

**Storms dien 'n doel in die natuur. Dit is nog een van daardie filters wat sekermaak dat die beste genetiese materiaal oorleef.**

Ten spyte van die verwoestende krag van storms, is dit verbasend helend. Dit gee riviere in vloed kans om 'n bietjie keel skoon te maak. Biesies, riete en hiasinte word weggespoel en skep die geleentheid dat die watervloei vir 'n ruk kan normaliseer. Nuwe poele en nuwe ekosisteme vorm. Die bome op die oewer wat uitgehol en verswak het, word deur nuwer sterker groeiers vervang. Kyk gerus na die oewers van die Sabie-, Olifants- en Shingwedzirivier na die afgelope jaar se vloed. Net so speel die storms op die see 'n enorme ekologiese rol en is hulle noodsaaklik vir die voortbestaan van ekosisteme.

Behalwe al sy ander wedervaringe, was die reis na Rome waarskynlik vir Paulus een van die mees onvergeetlike. Na drie sendingreise om en deur die Middellandse See was hy 'n berese man. Tydens die seereis na Rome het ongunstige weersomstandighede die vordering vertraag. Aan die kus van Kreta het Paulus hulle gewaarsku dat enige verdere vordering op 'n ramp kon uitloop. Die Romeinse offisier het egter meer waarde aan die matrose se raad gegee, en die reis voortgesit. Dit was nie lank nie, of die gevreesde Noordooster, die Eurakilon, het gewoed. Alle beheer oor die reis is verloor. In die antieke tyd was daar min hoop op redding wanneer 'n mens in so 'n storm beland. Nogtans het die bemanning alles oorboord gegooi om 'n kans op oorlewing te hê. Hulle situasie word treffend in Handeling 27: 20 beskryf: *Dae lank was die son en die sterre nie te sien nie en het die geweldige wind voortgewoed. Uiteindelik het ons alle hoop laat vaar om gered te word.* Maar dit was tydens hierdie laat en moedelose fase van die storm dat die bemanning ontvanklik geword het vir Paulus se woorde. Paulus moedig hulle aan om te eet, en eet op sigself is simbolies van lewe en vooruitsig. Hulle sal strand, die skip sal tot niet gaan, maar daar sal geen lewensverlies wees nie. Paulus kan hierdie waarborg gee, omdat 'n engel van God hom die versekering gegee het.

Tydens die stranding verloor niemand sy of haar lewe nie. Paulus gryp die geleentheid van die onbeplande omgewing aan. Hy genees die hoof van die eiland se pa. Vir die volgende drie maande het Paulus die evangelie van Jesus Christus op Malta verkondig.

Dit is onwaarskynlik dat Paulus ooit 'n sendingreis na 'n klein eilandjie soos Malta sou onderneem. Sy verblyf op Malta word moontlik verkeerdelik ook nie as een van sy sendingreise beskou nie. Tog, wanneer die skip deur die storm van koers af gewaai word, benut Paulus die ongunstige klimaat om hoop te gee. Hy is die een wat moed inpraat, wat eet, wat vooruitsig gee. Uit Paulus se reis leer ons dat dit nie altyd oor die bestemming gaan nie. Dat dit nie altyd gaan oor waarheen jy op pad is nie, maar waar jy uitkom. Die behoefte en geleentheid is dikwels waar jy is en nie waar jy gedink het jy gaan wees nie.

Storms dien 'n doel. Ons verstaan hulle nie altyd nie. Hulle waai ons van ons bestemmings af weg. Maar hulle is ook goed. Ten spyte van hul vernietigende krag, maak hulle ons ook heel. Hulle laat ons herbesin. Uit die verleentheid waai hulle vir ons nuwe geleenthede oop, en skep weer hoop.

## Skakels

Webblad van die Hervormde Kerk [www.nhka.org](http://www.nhka.org)  
Die Hervormer [www.hervormer.co.za](http://www.hervormer.co.za)  
e-Hervormer [www.hervormer.co.za/e\\_Hervormer.html](http://www.hervormer.co.za/e_Hervormer.html)

Indien u nie weer die e-Hervormer wil ontvang nie, klik op [www.hervormer.co.za/cancel.html](http://www.hervormer.co.za/cancel.html)

**Ds Willie Botha  
Lydenburg**



## BEROEPE EN STANDPLASE

Kontak die webbladredakteur, prof Ernest van Eck, by [ernest.vaneck@up.ac.za](mailto:ernest.vaneck@up.ac.za) om vakante standplase op die Kerk se amptelike webblad by [www.nhka.org](http://www.nhka.org) te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.

### Vakante standplase

- **Gemeente Turffontein in Johannesburg** beplan om eersdaags te beroep en wag aansoeke in van predikante wat in 'n **deelydse hoedanigheid** in die gemeente kan werk. Die gemeente bestaan uit 276 belydende lidmate, waarvan die helfte bo 50 jaar oud is. Die omvang van die verantwoordelikheid en vergoeding is onderhandelbaar. Die kerkraad behou die reg voor om enige of geen van die aansoeke te aanvaar of nie. Navrae kan gerig word aan die skriba, Lucas Roodt, by 011 436-0094 (h) naure of 078 456 0837. **Aansoeke sluit op 31 Mei 2013.** CV's kan gestuur word na [Andrew.lucas@iburst.co.za](mailto:Andrew.lucas@iburst.co.za).
- **Gemeente Bloemfontein** beplan om eersdaags te beroep en wag aansoeke in van predikante wat op 'n **voltydse basis** in die gemeente kan werk. Die omvang van die verantwoordelikhede en vergoeding is onderhandelbaar. Die kerkraad behou die reg voor om enige of geen van die aansoeke te aanvaar. Navrae kan gerig word aan Chris Smit by 083 501 0636. CV's moet na [chrisfcs@gmail.com](mailto:chrisfcs@gmail.com) gestuur word. **Aansoeke sluit op 31 Mei 2013.**

## PREDIKANTE EN GEMEENTES

Stuur asseblief berigte oor lief en leed en gemeentegebeure na [produksie@nhk.co.za](mailto:produksie@nhk.co.za). Die redaksie doen alles in hul vermoë om inligting korrek weer te gee, maar maak vanselfsprekend staat op die integriteit van die besonderhede soos verskaf.



Ds Tanya van Wyk

- Baie geluk aan **ds Tanya van Wyk** (UP) wat haar proefskrif in Dogmatiek verlede Vrydag suksesvol verdedig het. Die graad sal in September toegeken word.
- **Pinkstersondag** is op 'n besondere wyse met 'n **gesamentlike erediens** deur **gemeentes in Pretoria** gevier. Die geleentheid was in die saal van Afrikaans Hoër Seunskool en die Pretoria Jeug Filharmoniese Orkes het opgetree. Ongeveer 700 mense het die geleentheid bygewoon. Ds Hannes van der Merwe het 'n liturgie saamgestel wat elkeen bewus gelaat het van die kragtige teenwoordigheid van die Heilige Gees. Ds Thinus van Staden het as solis opgetree, en verskeie dominees het die voorleeswerk gedoen. Dit is 'n besondere ervaring om 700 mense tot lof van God te hoor sing. Almal wat hierdie geleentheid bygewoon het, se reaksie was: Volgende jaar maak ons weer so!
- **AGB-wenk:** Baie bejaardes is bevoorreg om 'n kwaliteitlewe te lei. Tog is daar ander wat nie meer hul eie persoonlike netheid en voorkoms kan hanteer nie en dan verwaarloos voorkom. Kyk na die bejaardes in jou gemeente en omgewing en vind 'n manier om hulle in hierdie opsig by te staan. So voorkom jy dat die spot met hulle gedryf word. Vir meer inligting, **kontak jou diaken of die AGB** by 082 786 8448.
- **Vakature vir pleegouers in die DPS-huis Potchefstroom. Aansoeke sluit op 31 Mei 2013.** Die vereistes is onder andere:
  - o Getroude egpaar.
  - o Verkieslik tussen 40 en 55 jaar oud.
  - o Lidmate van die Nederduitsch Hervormde Kerk.
  - o Goeie gesondheid.
  - o Aanvoeling vir kinders.

Bydraes vir moontlike plasing in die *e-Hervormer* moet asseblief teen Dinsdaemiddae 16:00 **OP DIE LAATSTE** na [produksie@nhk.co.za](mailto:produksie@nhk.co.za) gestuur word.

aksiegroep vir bejaardes

Benewens 'n maandelikse kontantvergoeding word gratis inwoning in die DPS-huis ook by die pakket ingesluit. Kontak die volgende persone vir meer inligting:  
**Mnr Otto Viljoen: 012 322 8885 / 079 495 2007 / [kinderhuise@nhk.co.za](mailto:kinderhuise@nhk.co.za)**  
**Ds Willem Kok: 018 294 4187 / 083 664 0058 / [wilmak@absamail.co.za](mailto:wilmak@absamail.co.za)**  
 Dit sal waardeer word indien predikante hierdie inligting by die afkondigings van die gemeentes sal insluit.

- 'n **Preekskets** wat **ds Tanya van Wyk** vir **Drie-eenheidsondag 26 Mei** geskryf het, is op Woensdag 22 Mei aan predikante gestuur. Dit kan ook by Bybelstudiegeleentheid of saam met 'n eredienswerkgroep benut word. Die reeks preeksetse is as hulpmiddel vir predikante bedoel, wat vry is om self te besluit of en hoe hulle daarvan gebruik kan maak. **Lidmate** kan gaan na [www.nhka.org](http://www.nhka.org) → So werk ons → Toerusting → In Christus se voetspore vir agtergrondinligting oor die betrokke teksgedeeltes wat gesprek in die gemeente kan stimuleer.


- **ADV se Jaar vir Gestremdheid: Respekteer en akkommodeer.** Moenie te hard praat nie; party mense kan goed hoor met gehoorapparate. Hulle kan ook agterkom as jy te hard praat; hulle voel dit beledig hulle. In plaas daarvan om te vermoed dit is maar reg om so te maak, vra eerder *Praat ek te hard of te sag?* Hulle sal jou omgee en sensitiwiteit waardeer (Vicki Fourie, Mej Dowe SA 2009).

- Die tweede uitgawe van die **Tydskrif vir Hervormde Teologie (THT)** is op Dinsdag 21 Mei uitgestuur aan almal wat die *e-Hervormer* ontvang. Hierdie jaar word die 450-jarige bestaan van die Heidelbergse Kategismus herdenk. Die *THT* neem deel aan hierdie feestelikheid deur aandag te gee aan die drie groot temas van die Kategismus, naamlik sonde, verlossing en dankbaarheid. In hierdie spesifieke uitgawe van die *THT* word aandag gegee aan die sonde, en die tema van die bese wat daarmee verbandhou.

- **Versoek om bydraes vir die THT.** Lidmate, kerkraadslede, predikante en akademici word vriendelik uitgenooi om artikels voor te lê vir twee spesiale uitgawes van die *Tydskrif vir Hervormde Teologie* wat aan die begin van Augustus gepubliseer sal word. **Hervormde ekklesiologie:** Artikels wat oor verskillende aspekte van die kerklike lewe handel, byvoorbeeld ook teologiese besinnings oor die werksaamhede van die ADV en die NHSV. Die artikels word nie beperk tot die probleme rakende die belydenis, opleiding van predikante en politiek nie, maar moet die gesprek wat tydens die AKV oor kerkwees gevoer gaan word voorberei, en koers aandui op die kort- en langtermyn. Daar kan ook aandag gegee word aan die probleem van pluraliteit (verskillende strominge) in die Kerk, en voorstelle kan gemaak word oor hoe die eenheid ten spyte van diversiteit gehandhaaf kan word. **Die problematiek Kerk – Fakulteit; Teologie – Wetenskap.** (1) Artikels wat handel oor die verhouding tussen Kerk en Fakulteit. Dit kan fokus op historiese aspekte, die huidige situasie analiseer en verhelder, of toekomsprospektiewe aanbied. (2) Artikels wat handel oor die hele vraagstuk *Teologie – Wetenskap*. Dit sluit in teologie as wetenskap, kritiese teologie en Bybels-Reformatoriese teologie. Die artikels moet die besluitneming oor die teologiese opleiding voorberei en vergemaklik. Dit moet ook die voortgaande nadenke oor teologie as wetenskap dien. Die tipe teologie wat ons in die NHKA wil beoefen, moet die nodige aandag kry. **Die laaste datum vir die inhandiging van artikels is einde Julie 2013.** Die artikels kan so kort as 2 500 woorde wees, maar moenie langer as 7 500 woorde wees nie. Die *THT* wil ruimte bied aan 'n groot verskeidenheid standpunte. Outeurs word herinner dat artikels positief en opbouend moet wees. Persoonlike en kwetsende opmerkings moet vermy word.

- Lidmate en gemeentes kan gerus weer kennis neem van die **formele versamelbeleid** van die **Kerkargief en Biblioteek** rondom **boekskenkings**. Dit het oor die laaste jare vorm aangeneem, veral sedert die samevoeging van die Kerk se biblioteke in 2011. Skenkings wat formeel opgeneem word, word weens ruimtegebrek beperk. Keuring word toegepas en skenkers word versoek om

**Aksiegroep  
Gestremdheid**



vooraf titels te verskaf per e-pos of brief, of deur die argivaris of bibliotekaris te versoek om die boeke wat geskenk wil word, te beoordeel. Die Biblioteek neem veral publikasies van kerkhistoriese en teologiese onderwerpe op wat relevant is vir die uitbou van die huidige versameling, maar byvoorbeeld geen duplikate nie. Boeke word dus op 'n ad hoc-basis beoordeel. Dit is moeilik om vooraf 'n lys saam te stel. Boeke soos woordeboeke en Bybelkommentare word nie sonder meer opgeneem nie. Die afgelope jare is moeite gedoen om duplikate uit te skakel en die versamelings wat talle meters rakruimte beslaan, te ontsluit. Voornemende skenkers moet vooraf met die Argief- of Biblioteekpersoneel skakel. In die verlede is boeke al by die Van der Hoffgebou afgelaai sonder dat ons selfs bewus was daarvan. Boeke kry skade of is nie geskik vir opname nie, en dit veroorsaak 'n verleentheid. Na die Biblioteek en Argief se keuring van boeke bly daar **ander moontlikhede** oor, soos om boeke beskikbaar te stel aan **studente** vir hergebruik. Dit sal natuurlik in oorleg met **die Afrika Instituut vir Missiologie (AIM) en die Hervormde Teologiese Kollege (HTK)** verloop.

- **Evaluering van voornemende teologiestudente.** Die evaluering vind op **12 Julie 2013** by UP plaas. Matrikulante asook persone wat reeds gematrikuleer het, kan aansoek doen vir evaluering om as student van die Kerk te studeer. Aansoekvorms kan aangevra word vanaf die Administrateur, Kuratorium vir die Teologiese Opleiding, Posbus 2368, Pretoria 0001; tel 012 420 5393; faks 012 420 4303; e-pos [betsie.brits@up.ac.za](mailto:betsie.brits@up.ac.za). Die sluitingsdatum vir inhandiging van volledig voltooide aansoeke is **14 Junie 2013**.



- **Toer die Droom 2013: Gemeente Philadelphia**  
Ter ondersteuning van minderbevoorregtes in en om Pretoria **29 Junie tot 13 Julie** uit Pretoria na Laeveld en terug  
Beoog om vanjaar R500 000 in te samel  
Wil u optree as naamborg (R40 000), sekondêre borg (R20 000) of enige ander bedrag bydra?  
Kontak Joleen Joubert (Bemarking) by [joleen@mweb.co.za](mailto:joleen@mweb.co.za) / 072 272 6644

- **Kerklike eiendom in Venterskroon.** Die Raad van Finansies het besluit om eiendomme wat nie 'n finansiële bydrae tot die roeping van die Kerk maak nie, te verkoop. Die Raad versoek belangstellendes om 'n aanbod in te dien vir die eiendom te Venterskroon. **Die eiendom:** 6,6 ha met drie geboue op waarvan twee woonhuise is en een die ou polisiestasie. Al drie die geboue dateer uit die vorige eeu. Twee van die geboue is tevore gerestoureer, maar die derde een kort baie aandag. Daar is ook 'n tronk op die eiendom en nog 'n gebou wat voorheen 'n motorhuis was maar omskep is in kamers. Op die eiendom is 'n boorgat wat water voorsien aan die kampterrein, en daar sal waarskynlik 'n serwituut geregistreer word om watervoorsiening aan die kampterrein te waarborg. Hierdie is nie die grond waarop die kampterrein geleë is nie. **Aanbiedinge:** Rig die aanbiedinge aan Piet Beukes by Posbus 2368, Pretoria 0001 – verkieslik in 'n verseëelde kovert – **voor 24 Mei 2013**.

## Spesiale eredienste en feesnaweke

- **Gemeente Naboomspruit: Sondag 26 Mei om 09:00**  
Emeritaataanvaarding: Dr Hennie Botes  
Na 23 jaar in die gemeente  
Navrae aan dr Botes by 014 743 0209 (h) of [hjbotes@worldonline.co.za](mailto:hjbotes@worldonline.co.za)
- **Gemeente Warmbad: Sondag 26 Mei om 09:00**  
60-jarige feesviering van die gemeente  
en 25-jaar-ampsjubileum van ds Marius Bacon  
Nagmaaldiens om 09:00 met vingerete na die diens  
Alle oudlidmate welkom  
Kontak die gemeentelike kerkkantoor by 014 736 3124





- **Gemeente Laer Suidkus: Feesnaweek 14-16 Junie 2013**  
40-jaar-viering  
**Vrydagaand 14 Junie vanaf 18:00:** Sop-en-sjerrie-ete  
In kerksaal te Scottstraat 3, Port Shepstone  
Oudlidmate wat vakansie hou aan die Suidkus van KZN baie welkom  
Geen koste maar donasies is welkom  
Sop en sjerries word voorsien, bring eie ander drinkgoed saam  
Bevestig teenwoordigheid asseblief vooraf  
**Saterdag 15 Junie vanaf 12:00:** Potjiedag by die MOTH-saal te Sea Park  
Kontantkroeg, plaaslike gaskunstenaar maak musiek  
Rugby op die groot skerm sluit die dag af  
Kaartjies R50 per persoon  
Kontak Jacques Pieterse by 082 458 4482 of [jacquesjean@vodamail.co.za](mailto:jacquesjean@vodamail.co.za)  
**Sondag 16 Junie om 09:30:** Dankdiens in die kerkgebou
- **Gemeente Vereeniging: Eeufeesviering 24 tot 25 Augustus 2013**  
**Saterdag 24ste:** Gesellige bring-en-braai op kerkterrein  
**Sondag 25ste:** Erediens met Albertonse Mannekoor om 09:00  
Program en gesamentlike middagete  
Gelukwensings kan gestuur word na [pbboshoff@telkomsa.net](mailto:pbboshoff@telkomsa.net)
- **Gemeente Otjiwarongo: 75-jaar-viering**  
**Vrydag 30 Augustus:** Optrede deur opkomende musiekster Lisa Brönnner  
**Saterdag 31 Augustus:** Feesgeleentheid  
Stalletjies, gesinsvermaak, potjiekoskompetisie en jaarlikse naggolf  
**Sondag 1 September:** Hoeksteenonthulling en erediens  
gelei deur ds Barrie Oberholzer  
Vir verdere inligting, inskrywings of borge kontak ds Elritia le Roux  
+264 876 3664 of e-pos [propeleroux@gmail.com](mailto:propeleroux@gmail.com)
- **Gemeente Goede Hoop (Piet Plessis): 100 jaar Feesnaweek 29 November tot 1 Desember 2013**  
Basaar en hoeksteenoprigting (met optrede deur sanger Pieter Smith)  
asook Voorbereiding Saterdag  
en Nagmaal en Danksegging met doop Sondag  
**Gedenkalbum** deur prof Hennie van der Westhuizen  
Navrae en bestellings aan ds Arno Nieuwhof by 073 240 6030  
of [arnonieuwhof@gmail.com](mailto:arnonieuwhof@gmail.com) of op sy Facebook-blad

## Predikanteverjaardae

- **Die volgende predikante verjaar tot 31 Mei, en word hartlik geluk gewens.**
  - Donderdag 23 Mei: Ds Carel Johann de Bruin (siekte-emeritaat)
  - Vrydag 24 Mei: Dr Robert Jones (Kriel)
  - Saterdag 25 Mei: Di Rudi Botha (beroepafwagtend), Johan Koekemoer (Marble Hall) en Danie Taljard (Sionshoogte)
  - Sondag 26 Mei: Ds Jackie Dippenaar (Oos-Moot) en prop Doret Müller (beroepafwagtend)
  - Maandag 27 Mei: Dr Piet Steenkamp (Pretoria-Noord)
  - Woensdag 29 Mei: Ds Paula Eksteen-Erasmus (Midrand)
  - Donderdag 30 Mei: Ds Louis Nel (emeritus)
  - Vrydag 31 Mei: Ds Gert van Staden (Ring van Bothaville)

## Beplande vergaderings

- Woensdag 22 Mei: Opening 6de ADV
- Donderdag 23 Mei: 6de ADV
- Vrydag 24 Mei: 6de ADV
- Saterdag 25 Mei: 6de ADV



- Woensdag 29 Mei: Bestuur van die Ondersteuningsraad
- Vrydag 31 Mei: Raad van Finansies

## 6de ADV

Volg die Algemene Diakensvergadering (ADV) lewendig by [www.diakens.co.za](http://www.diakens.co.za). Die tydskedule sien soos volg daar uit:

### Woensdag 22 Mei

- 18:30 Openingserediens (erediens spesiaal ingerig vir mense met gestremdhede). Deelname deur Prinshofskool vir Visueel Gestremdes se koor, Transoranje-skool vir Dowes se gebaretaalkoor, Skriflesing uit die Braille-Bybel, en die hele erediens word in gebaretaal getolk.
- 19:30 Openingsereemonie en toekenning van die Jan Reynierz-penning

### Donderdag 23 Mei

- 08:00 Opening, konstituering, verkiesing van voorsitter en skriba, agenda
- 14:00 TOIBO (Transoranje Instituut vir Buitengewone Onderwys)
- 15:00 Gestremdheid in die NHK
- 15:45 Loop in die skoene van iemand met 'n gestremdheid
- 17:15 Doulos Armoedebediening
- 17:30 Kindersorg
- 19:00 Vicki Fourie, voormalige Mej Dowe SA

### Vrydag 24 Mei


- 09:00 Finansies
- 11:00 Ondersteuningsraad (Maatskaplike Werk)
- 12:00 Bejaardesorg
- 14:00 NHSV
- 15:00 OTMT (Bejaardesorginrigtings) en stabilisasiefonds
- 16:30 MIV/vigs
- 19:00 Optrede deur Uitkoms Versorgingsentrum (verstandelike gestremdheid)

### Saterdag 25 Mei

- 08:00 Toerustingskursus
- 09:30 Terugvoer oor RDV's
- 11:00 Finansies – oplossings en begroting

## Kursusse en toerusting

- **Hervormde Teologiese Kollege (HTK): Tafelgesprek Vrydag 24 Mei vanaf 14:00**  
Raadsaal, Dirk van der Hoffgebou, Pretoria  
Tema: *Teologiese Opleiding – die vennootskap tussen die Kerk en UP*  
Inleier: Dr Wim Dreyer  
**Alle lidmate en ampsdraers welkom**
- **Voortgesette Teologiese Toerusting vir Predikante (VTT) 4 en 5 Junie en 5 en 6 November**  
Tema: *Geloofsonderskeiding*  
By Gemeente Wapadrant  
Koste **R350** per persoon (**Let wel: Nié R400 nie!**)  
Predikante wat VTT in Junie wil bywoon, moet mev Betsie Brits **nog vandeeweek** kontak  
Faks 012 420 4303 / Tel 012 420 5393 / [betsie.brits@up.ac.za](mailto:betsie.brits@up.ac.za)  
Registrasiefooi verkieslik vooraf elektronies of per bankdeposito  
Kerkgeld vir Kerkwerk, ABSA, rekeningnr 020 149 752, kode 63 20 05  
Verwysing 2013K VTT en naam van kursusganger





- **Interkerklike trauma-ondersteuningskamp  
Vir naasbestaendes van slagoffers**  
**9-11 Augustus** by Magaliesberg-kampterrein  
(minder as uur van Johannesburg, Pretoria en Rustenburg)  
Inisiatief van Elize Perrin, suster van Mauritz Oberholzer  
(Hy is in September 2012 in plaasaanval naby Brits vermoor)  
Hooffasiliteerder: Ds Pieter Oberholzer, Weermagkapelaan  
en predikant van NG Kerk Groenkloof  
Koste: R550 per persoon (akkommodasie, etes en konferensiefasiliteite)  
Bespreek by Elize by 072 600 5809  
of [deoudepastorie.victoriawest@gmail.com](mailto:deoudepastorie.victoriawest@gmail.com)  
Navrae oor inhoud van program aan Pieter by 082 332 5782  
of [pieterjanob@gmail.com](mailto:pieterjanob@gmail.com)

### Beskikbare behuising

- **Andries-Marié Oosthuizen Monumenttehuis-woonstelle in Parys**  
Daar is tans die volgende behuising vir senior burgers beskikbaar:  
2 x enkelkamer met 3 etes, wasgoed en skoonmaak van kamer 1 x per week  
1 x lieflike enkelkamer met eie kombuis, stoep en tuin,  
met 3 etes, wasgoed en skoonmaak van kamers 1 x per week  
R5 800 per maand  
Kontak matrone Botha by 056 811 2185 vir meer besonderhede

### Konserte en feeste

- **Vrydag 24 Mei: Gemeente Pretoria-Noord 18:30 vir 19:00 stiptelik  
Konsert, ete en dans**  
Yoti die Griekse Boertjie  
R120 per persoon, breekborde R5 elk, bring eie drinkgoed  
Drag wit en blou  
Navrae Sandra 072 445 6610
- **Saterdag 25 Mei: Gemeente Culembeeck  
Manne-Oggend** met prof Stephan Joubert as spreker  
In die Simfonie-ouditorium, Witpoortjie, Roodepoort  
R120 per persoon  
Bespreek by ds Annerie Conradie tel 083 291 4782
- **Vrydag 31 Mei om 19:00: Gemeente Kaapstad  
Konsert** met Kaapse Walliese Mannekoor te Tygerberg  
Kaartjies R40 per persoon  
Navrae aan ds Kathleen Smith by 021 551 5264
- **Maandag 3 tot Vrydag 7 Junie: Gemeente Hartebeeshoek  
Jaarlikse Revuefees**  
Laerskool Akasia om 19:00  
Magaliesberg se Kinderkoor op Woensdagaand 5 Junie  
R50 per persoon, voorskoolse kinders gratis  
Te koop: Vetkoek met maalvleis, kerrie-en-rys, drinkgoed  
Kontak Elma Williams by 082 562 5244 vir meer inligting  
Kaartjies ook by deure te koop
- **Vrydag 7 Junie: Gemeente Bergsig: Fredi Nest**  
18:00 tot 19:00 in kerksaal  
hv Leonide- en Karel Trichardt-straat, Mountain View  
R30 per persoon  
Navrae by 082 377 0747



## Kampe en toere

**Tarentaalpan**  
**JEUGKAMPSTERREIN THABAZIMBI**

*'n Projek van die Hervormde gemeente Vliegpoort - Thabazimbi*

*Net meer as 2 uur se ry vanaf Pretoria.*

*Besprekings: Rika 0736924011*

[www.tarentaalpankamp.co.za](http://www.tarentaalpankamp.co.za)

*'n Bosveld-ervaring soos min!*

*Vlugbalbaan en baie ander aktiwiteite*

- **Konteks-leserstoer na Turkye: 2 tot 18 Oktober 2013**  
15 dae op die voetspore van Paulus, Johannes en die eerste Christene  
Toerleier: Prof Ernest van Eck  
Plek vir slegs 30 – bespreek betyds!  
Kontak prof Van Eck by 012 420 3804 / 082 413 2332 /  
[ernest.vaneck@up.ac.za](mailto:ernest.vaneck@up.ac.za)  
of Louise Geysler (reisagent) by 012 361 0579 / 082 560 4279 /  
[louise.geyser@absamail.co.za](mailto:louise.geyser@absamail.co.za)
- **Toer saam na Israel en Egipte: 28 November tot 7 Desember 2013**  
Beleef God in die voetspore van Jesus  
Toerleiers: Ds Fanie Beukes en dr Francois Carr  
Vir meer inligting, kontak ds Beukes by 073 167 1183  
of per e-pos by [faniebeukes@yahoo.com](mailto:faniebeukes@yahoo.com)

## Kompetisies en fondsinsamelings

- **Gemeente Tzaneen: Jagpakket te wen**  
1 x koedoe, 1 x blouwildebees, 2 x rooibokke  
Plus gratis verblyf vir 4 persone op jagplaas in Waterpoort  
Kies tussen 3 beskikbare naweke  
Slegs 300 kaartjies beskikbaar teen R300 elk  
**Sluitingsdatum 24 Mei 2013**  
Skakel 015 395 4083 of gemeentelike kerkkantoor by 015 307 4508
- **Gemeente Magaliesmoot: Fietsry en stap vir Bybels**  
**Saterdag 25 Mei vanaf 08:00**  
Aan die voet van die Magaliesberge  
5 of 10 km fietsrit en 5 km pretstap  
Inskrywingfooie R30 per persoon  
Pryse te wen en eetgoed te koop  
Kontak Gerda Naude by 084 565 5008 of [nhkmagmoot@gmail.com](mailto:nhkmagmoot@gmail.com)  
om vooraf in te skryf  
of skryf in vanaf 07:00 by die kerkgebou
- **Gemeente Bergsig: Diakens: Straatverkope**  
**Saterdag 25 Mei 08:00 tot 13:00**  
Vingerlek-lekker gebak, pannekoek, die unieke diaken-jaffel,  
warm sop met vetkoekies  
hv Mignon- en Karel Trichardt-straat (oorkant Spar in Mountain View)  
Navrae aan Elmarie by 082 377 0747 of Neeltjie by 076 428 8142



- Gemeente Laer Suidkus: Jaarlikse Prawn-fees**  
**Vrydag 5 Julie vanaf 18:30**  
 In saal van Hoërskool Suid-Natal  
 Driegangmaal met eet-soveel-prawns as jy wil as hoofgereg  
 R150 per persoon  
 Ete met hoender as hoofgereg teen R75 per persoon ook beskikbaar  
 Besprekings is belangrik, want kaartjies verkoop vining  
 Kontak Jacques Pieterse by 082 458 4482 of [jacquesjean@vodamail.co.za](mailto:jacquesjean@vodamail.co.za)
- Gemeentes Hartbeesfontein en Gerdau: Fondsinsameling 1000 Wen-'n-boerdery en Noag-se-ark-skildery**  
 Geleentheid om R50 000 in te samel  
 Pakket van 50 kompetisieboekies met 11 kaartjies in elke boekie  
 Betaal R5 000 vir pakket van R55 000  
 50 pryse te wen, in totaal meer as R100 000 werd  
 Wen plaasdiere, bokke, varke, duiwe en vele meer!  
**Trekking in Oktober 2013**  
 Kontak Barry of Marthie Pretorius van Hartbeesfontein  
 by 018 431 0331, faks 086 550 1874 of [barrypret@lantic.net](mailto:barrypret@lantic.net)  
 Verdere navrae aan ds Petrus Harmzen by 082 777 4253

### Basaars en markte

**Diamantstormloop**  
**Mafikeng Rugbyklub**

Saterdag 25 Mei 2013, 09:00-17:00  
 Aangebied deur die Hervormde Kerk  
 R100 donasie per sakkie gruis

Stalletjies R100 elk

Kontak:  
 Dr Annelie Botha 082 650 3494  
 Magda Redelinghuys 082 825 1913

Vir meer inligting kontak Kallie Landsberg 079 893 9031

- Saterdag 25 Mei vanaf 08:30**  
**Gemeente Lichtenburg: Oesfees**  
*Local is lekker*  
 Gaskunstenaar Bok van Blerk  
 Vir kinders tombola, skyfskiet, glybaan, springkasteel, klimmuur  
 Veiling met skilderye, leiklipware, houtmeubels, wildsbokke, Marico-mampoer, oorspronklike Springbokrugbytrui, unieke juwele, ens  
 Plaasstalletjie met tuisgemaakte konfyte en lekkergoed, ingelegde vrugte, biltong, naaldwerk, handwerk, draadwerk, ens  
 Kompetisie met groot pryse: R15 000; vakansie te Margate vir 5 persone; naweek te Chimera Lodge; Xbox 360 vir die kinders; Android 7" Tablet  
 Kaartjies beskikbaar @ R20  
 Kwaliteitvleis teen billike pryse  
 Kontak Du Toit van der Westhuizen by 082 877 6749  
 Willie Manders by 018 632 4830 / [williemanders@arestan.co.za](mailto:williemanders@arestan.co.za)  
 Ds Gerrie Senekal by 082 576 1141 / 018 632 2658 / [gcsenekal@nhk.co.za](mailto:gcsenekal@nhk.co.za)
- Vrydag 31 Mei vanaf 13:00: Gemeente Delmas: Basaar**  
 Tema: *Water vir Lewe*  
 Koek, braaivleis met eerstegraad beesvleis  
 en gemeente se eie resepe boerewors

Vetkoek, kerrie-en-rys, pannekoek, poeding...  
 Vleisprodukte met topgraad maalvleis en heerlike wors  
 Agterkwarte beskikbaar op bestelling  
 Kompetisie: 'n Boer maak en plan en 'n Boervrou het 'n plan  
 Bring jou eie slim boereplan groot of klein en spog met jou eie uitvindsel (patent)  
 1ste prys: R1 000; nog pryse vir 2de en 3de plekke  
 Navrae aan Heleen by 013 665 2679 of [delmas@nhk.co.za](mailto:delmas@nhk.co.za)

- Vrydag 31 Mei en Saterdag 1 Junie**  
**Gemeente Waterberg in Nylstroom: Basaar**  
 Tema: *Van toeka tot nou*  
 Met alles wat tradisioneel by 'n basaar gevind word  
 Vleis, potjiekos, pannekoek, pap-en-kaiings, konfyt, groente en vrugte  
 Fliék en veteraanmotorskou  
 Navrae aan [hervormwaterb@telkomsa.net](mailto:hervormwaterb@telkomsa.net)
- Vrydag 31 Mei en Saterdag 1 Junie**  
**Gemeente Rustenburg: Boerefees**  
 Bak van 6 m koeksister, varsgebrande koffie  
 Vars brood en beskuit, handwerk  
**Platina VLU-streek: Huisvlyt en blomme 28-31 Mei**  
 Uitstallings van bakkies, trekkers en implemente, veteraanmotors  
 Op terrein 2 km vanaf Waterfall Mall op Johannesburg-pad  
 Navrae aan Mari by 084 208 7445  
 of ds Johan van Wyk by 082 577 4091
- Vrydag 31 Mei en Saterdag 1 Junie**  
**Gemeente Losberg in Fochville: Basaar**  
 Kosstalletjies, gebak, vleis, biltong, verskeie items by die witolifant  
 en tierlantyntjies  
 Vir die kinders is daar 'n spookhuistent en speletjies  
 Navrae aan Sannietjie Boshoff by tel/faks 018 771 2617 /  
[sanboshoff@gmail.com](mailto:sanboshoff@gmail.com)
- Saterdag 1 Junie van 09:00 tot laat: Gemeente Randfontein Midpark Winterfees**  
 By die kerk  
 Baie te eet, te drink en te sien  
 Mnr Boepens, Mnr en Mej  
 Toddlers en Tiaras (voorskool)  
 Mnr en Mej Walt Disney (laerskool)  
 Mnr en Mej Greece (hoërskool)  
 Vlieërs, kaskarre...  
 Kontak die gemeentelike kerkkantoor by 011 692 3236
- Saterdag 1 Junie: Gemeente Van der Hoff op Groblersdal Basaar: *Terugblik op gister***  
 Op kerkterrein in Voortrekkerstraat  
 Verskeie kompetisies, pret vir groot en klein  
 Plaaslike sangers; vars vleis; plaasprodukte en wegneemetes te koop  
 Gemeente se eie RADIO RUPERT!  
 Moenie hierdie fees misloop nie...  
 Kontak ds Johan P du Preez by 072 461 0993



## KAMEELDORING KARNAVAL

NOORD-KAAPSE KOS, KUIER, KUNSTENAARS EN KINDERVERMAAK!!

Kaartjies

R20 Volwassenes  
R10 Laerskool  
Gratis Voorskool

**TE KOOP**  
 Heerlike ontbyte • Biltong  
 Braaivleis • Gemmerbier  
 Pannekoek • Poeding  
 en Ribburgers



Tent met kindervermaak!!



Pieter Koen en ander

Saterdag 1 JUNIE 2013  
 Hervormde Kerk, Kathu - Hekke open 09:00

- Vrydag 7 Junie vanaf 12:00: Gemeente Piet Potgieter (Potgietersrus)**  
**40-jaar-feesbasaar**  
 Wildsbiltong en wors, gebak en basaarkos  
 Teetuin, groente en handwerk  
 Kontak Wilma saans by 078 196 7106  
 of Janie soggens by 015 491 6310

## ANDER NUUS

- Vakature: Administratiewe Beampte / Rekenkundige Beampte**  
 By Andries-Marié Oosthuizen Monumenttehuis in Parys, Vrystaat  
 Rekenkundige agtergrond met ondervinding  
 Goeie telefoonetiket en kommunikasievaardighede  
 veral ten opsigte van bejaarde persone  
 Selfgemotiveerd en in staat om onafhanklik te werk  
 Kode 08-bestuurlisensie  
 Tweetalig in Engels en Afrikaans  
 Rekenaargeletterd in MS Office – veral Outlook, Word en Excel  
*Pligte:* Beantwoord telefoon en kanaliseer na korrekte afdeling,  
 algemene kantooradministrasie,  
 invordering van geld en hantering van trustfondse,  
 instandhouding van administratiewe en finansiële program op rekenaar  
 Onderhandelbare salaris met normale diensvoorwaardes  
**Sluitingsdatum: 30 Mei 2013**  
 Stuur CV aan: Mev A Botha, faks 056 817-7525, e-pos [hf@otmt.org](mailto:hf@otmt.org)
- Vakature: Assistentverpleegster**  
 By Andries-Marié Oosthuizen Monumenttehuis in Parys, Vrystaat  
 Tehuis vir verswakke en selfversorgende bejaardes  
*Pligte:* Algemene versorging van inwoners, bedwas  
 en kliniekdienste soos die neem van bloeddruk  
*Vereistes:* Goeie interpersoonlike en kommunikasievaardighede  
 Vorige ervaring in veld van verpleging van bejaardes sal sterk aanbeveling wees  
 Moet geregistreer wees by die Verpleegstersraad  
 Normale diensvoorwaardes  
 Stuur CV aan mev A Botha, faks 056 817 7525 of e-pos [hf@otmt.org](mailto:hf@otmt.org)
- Nasionale Kinderbeskermingsweek** laaste week van Mei  
**Ondersteuningsraad (OSR)** versoek **gemeentes en kategeseklasse**  
 om **blikkieskos in te samel** en torings daarmee te bou  
 Kyk hoe hoog die toring gebou kan word  
 of maak die toring 'n simboliese voorstelling van kinderbeskerming  
 Skenk die blikkieskos aan die naaste OSR-kantoor vir hulpbehoewende gesinne

of aan enige welsynskantoor of skoolvoedingskema  
 Stuur **foto's** van die torings na [oraadpb@nhk.co.za](mailto:oraadpb@nhk.co.za) / [diakens@nhk.co.za](mailto:diakens@nhk.co.za)  
 vir plasing op die ADV/OSR se webblad  
 Gemeentes kan ook ander aktiwiteite hieroor aanbied  
 Preke vir die Sondag kan ook aan die tema gewy word  
 Kontak Charmaine Fourie by 012 322 8885 x313 / [oraadpb@nhk.co.za](mailto:oraadpb@nhk.co.za).



- **Nuwe nasionale fondsinsamelingsprojek op 31 Mei**

Plakkers te koop @ R10 elk  
**5 soorte plakkers**

Diere; algemene welsyn in gemeenskap; kinders; gestremdheid; onderwys  
 Ook spesiale paar veters te koop @ R30  
 As deel van die plakker is daar ook 'n kleiner plakker om op jou selfoon te plak  
 Bestel van TOIBO: Arina Jooste 012 320 7644 / 082 560 5213

- **Saterdag 1 Junie 14:00 tot 16:00: Erediens voor die Comrades-maraton**

Christen Comrades Hardloperskonferensie  
 By die Christ Church Pinetown (hv Kings- en Mellerstraat)  
 Navrae aan ds Anneke Viljoen by [anchri@mweb.co.za](mailto:anchri@mweb.co.za)  
 Oordenking sal waargeneem word deur Rev Vernon Loker

- **Transvalia-skool vir Epilepsie en Leergestremdheid Vrydag 7 Junie om 19:30 in die Aula, UP**

Romanz en Nianell: *'n Duisend drome*  
 Kaartjies R120 tot R150 per persoon  
 Besprekings by skool 012 800 1071 (kantoorure) /  
 Marietjie 083 294 8246 (naure) / Lizet 082 550 6960

- **450 jaar Heidelbergse Kategismus Gesprek oor die Kategismus tot versterking van geloof Datum: Maandag 17 Junie**

Plek: Gereformeerde Kerk Bellville, Broadwaystraat 6, Vredelust, Bellville  
 Tyd: 17:00 tot 21:30 (aandete en verversings)  
 Toegang: Deurkollekte; ete moet vooraf bespreek word @ R25  
 Sprekers: Dr Victor E. d'Assonville, dr Lourens Erasmus, dr Gerard Meijer, ds Erik van Alten  
 Gespreksleier: Ds Coen Vrey  
 Vir bespreking van ete: 021 911 5419 of [cca.vrey@telkomsa.net](mailto:cca.vrey@telkomsa.net)  
 Vir algemene navrae: 012 332 1196 of [gerardjmeijer@gmail.com](mailto:gerardjmeijer@gmail.com)

## KOMMENTAAR

Lesers kan kort kommentaar (**uiters 100 woorde**) stuur aan [produksie@nhk.co.za](mailto:produksie@nhk.co.za). Langer bydraes sal nie geplaas word nie, en moet eerder na die gespreksforum van die Kerk se webblad gestuur word; gaan dan na [www.nhka.org](http://www.nhka.org) → Praat saam en kies die opsie wat u pas. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

“Ek bring graag ’n klein korreksie aan op die berig oor dr en mev Gys Bos se besoek aan die RSA (18 April). Die instansie wat dr en mev Bos na die RSA genooi het en vir die koste ingestaan het, was die Hervormde Teologiese Opleiding wat toe nog te Klipdrift gevestig was. Die HTO het ook gereël dat dr en mev Bos besoeke aan Potchefstroom en Kaapstad/Stellenbosch kon bring. Die berig dat hulle op uitnodiging van die HKSA gekom het, is dus nie korrek nie.”

**Prof Schalk Botha**

(Ons vra verskoning vir die foutiewe interpretasie van inligting wat ons uit dr Bos se kommunikasie verkry het. – Redaksie)

## AGTERBLAD

### *Beeld-Kinderfonds*

**Beeld-Kinderfonds samel jaarliks fondse in deur middel van kompetisies, projekte en donasies. Hierdie fondse word versprei aan instansies wat betrokke is by kindersorg. Vanjaar is 26 instansies bevoordeel.**

Gedurende die 2012/13 finansiële jaar het die NHKA ’n bedrag van R387,991.00 ingesamel vir die *Beeld-Kinderfonds*. Op hierdie bedrag is ’n 20% opbrengs verdien, wat die totaal na R465,590 toe bring.

Die fondse is soos volg verdeel tussen diensorgane van die ADV wat betrokke is by kinderversorging:

DPS-sisteem:	R190,590.00
OSR:	R170,000.00
TOIBO:	R45,000.00

Trustfondse

Privaat-pleegsorgfonds:	R30,000.00
Noodlenigingsfonds:	R30,000.00

Die motorkompetisie is ook weer aan die gang. Kaartjies is beskikbaar by die direksie van die Kinderhuise, TOIBO en die OSR en kos R25 elk.

**Otto Viljoen, Bestuurder**



Die begunstigdes op 11 Mei tydens die toekenningsgeleentheid by *Beeld* se kantore in Pretoria.

Otto Viljoen is agter tweede van links.